



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 137. Ejusdem vindiciæ.

[urn:nbn:de:hbz:466:1-66272](#)

tanquam erroneas in fide & in moribus con- Sæcul. XV.
demnare valet, neque necesse est, ut earum A. C. 1415.
propugnatores audiantur, imprimis in casu,
si Ecclesia vel sancta Sedes, mentem suam
desuper expresse non declaravit. XXII. Si
Angelus Dei e cælo descenderet, & Autori
harum Assertionum, suæ opinioni quocunque
modo contradiceret, talis ei non crederet,
quinimo nec ipsi Deo. XXIII. Fidei elemen-
ta principiis naturalis legis sunt superstru-
cta. XXIV. Quod si Joannes Hussus, quem
Concilium condemnavit, & hereticum pro-
muntiavit, Advocatum habuisset, nunquam fuis-
set convictus. XXV. Malo in causis fidei Ju-
dæos vel Gentiles judices habere, quam Depu-
tatos Concilii.

§. CXXXVII.

*Gersonii Vindiciæ contra errores sibi
objectos.*

Gersonius haud difficulter de objectis
hisce propositionibus sese purgavit,
quarum potior pars summe orthodoxa
est, ceteræ vero benignam interpretatio-
nem admittunt. Exempli gratia, ad pri-
mam respondit, illam ex malitia fuisse
transpositam, nec se de eo locutum fuisse
quod fieri deberet. Ad secundam ve-
ro, quod aliquis fidelis permaneat, quam-
diu fidem conservat in intellectu, et si er-
rorem circa fidem committeret, quodque

Hist. Ecclesiast. Tom. XXVI. L fides

Sæcul. XV.
A. C. 1415.

fides sine charitate subsistere valeat. Ad quartam, quod impugnari nequeat, nisi quis hoc ipso Wiclefi & Joannis Hussi erroribus faveret, qui dixerunt, quod *Prælatus non sit Sacerdos; aut Dominus non sit Prælatus, nec Sacerdos, nec Dominus, si in peccato mortali essent.* Ad quintam & sextam, quod hæc duæ propositiones Catholicæ sint, sed ex illis malitiosæ deducantur illationes. Ad quatuor subsequentes, quod itidem veræ atque Catholicæ sint, prout in textu leguntur, malitiosæ vero detortæ fuissent. Ad undecimam & duodecimam, quod veræ sint, prout conceptæ leguntur. Item quod propositio decimæ quartæ contraria, heretica sit, & a Concilio damnata in propositione: *Quilibet Tyrannus E'c.* etsi affirmet, licere Tyrannum occidere auctoritate publica, non autem in seditione. Ad XV. dicit, textum fuisse adulteratum, suam vero propositionem orthodoxam, & veram esse. Idem respondet ad XVI. In decima septima Gersonius explicat verbum *mittere*, & inquit, quod equidem ad Concilium Viri suspecti mitti valeant, non vero deputari tanquam Commissarii. Ad decimam octavam respondit, quod Verbum: *posuerunt* non intellexerit in sensu Metaphorico, & absoluto, sed solummodo in sensu morali. Ad decimam nonam, nil se docuisse, quod ipsum non appro-

probaverit Concilium, & ab ipsis Epis-
copis, & Academiis adoptandum non A. C. 1415.
esset. Vigesimam & vigesimam primam
omnino negat, eoquod Jacobelli senten-
tia a Concilio damnata fuisset, licet Ja-
cobellus non comparuerit. Ad vigesi-
mam secundam, quæ valde dure sonat,
calumniam sibi impingi conqueritur, &
inquit, se non locutum esse de eo, quod
opinioni opponitur, sed quod fidei ortho-
doxæ adversatur. Ad XXIII. dicit, quod
textui consona non sit, admittit tamen
veram esse quoad principia fidei decalo-
go consentanea. Ad vigesimam quar-
tam respondet, non esse accipiendam se-
cundum rigorem literæ, sed esse tantum-
modo certum loquendi modum, veluti si
quis diceret de homine plumbeo ac segni:
hic nunquam veniet, etsi eum tandem ven-
turum sciam. Quoad ultimam minus
feliciter se purgavit, dicens, quod trans-
eunter, & forte ex tædio eam asseruerit,
eoquod per quinque jam menses in mate-
ria tanti momenti quoad bonos mores ju-
dicum ferre morosius distulerit Conci-
lium, de cetero propositionem non adeo
esse absurdam, prout existimaretur, cum
sermo esset de materia morali, & ad Jus
naturæ pertinente, in qua & Judæi, &
Ethnici judices esse possent. Tandem
concludit postulando, ut suarum proposi-
tionum denuntiatio declararetur nulla,

Sæcul. XV. & denuntiatores a Synodo coercerentur.
A. C. 1415.

§. CXXXVIII.

Epistola Episcopi Atrebatensis ad Collegium Cardinalium.

Gerson.
p. 472.

Cum ergo Episcopus Atrebatensis contra Cardinalem Cameracensem exceptisset, illumque pariter hærefis accusasset, reliqui Cardinales sui Collegæ honorem defendere decreverunt, quocirca Episcopus eis libellum exhibuit, in quo gravia, si huic caussæ se immiscerent, secura ostendit mala, eoquod caussæ Joannis Parvi plures faverent Principes, in quorum ditionibus Cardinales possiderent beneficia, quæ perdere possent; dari quoque Academias, quæ contra eorum sententiam abs dubio insurgerent; nullam vero Cardinalitiae dignitatis rationem habendam, eoipso quod de propositionibus materiam fidei tangentibus ageretur, Episcoporum enim & Doctorum esse ejusmodi controversias decidere. Tandem manifestam fore Tyrannidem, si ad salvandum unius Cardinalis honorem, & utilitatem, totum Collegium Cardinalium caussæ alias a Concilio decidendæ auctoritatem sibi arrogare vellet. Certe non obmutuit Cameracensis Cardinalis, sed pariter Synodo obtulit libellum, in quo